

nebulas, omnia penetrat, foedatque, res molesta plane atque horrida.

*Homi-  
num nu-  
merus.*

*Tributa.*

*Gentis  
indoles.*

*Plau-  
strum iti-  
nera-  
rium.*

*Catayum  
ubi.*

cum autem & fluvii Kiang nomen, & provinciarum, tum earum quæ ad Boream, tum quæ ad Australium sunt, numerus cum illis, quæ in M. Pauli Veneti Catayi, ac Mangin descriptione sunt, conveniat, plane in hac extrema Asia Catayum esse, nullus amplius dubito. Addo, quod tempore, quo R. P. Matthæus Ricci è Societate nostra, primum Peking appulit, ibi Turcam invenerit, qui ad Sinarum Imperatorem Leonem dono attulerat: hic diligenter ac data opera interrogatus, quo paeto vocaretur Sinarum regnum, respondit Catay dici ac esse, Regiam vero urbem Cambalu.

Idem haud ita multo post, luculento testimonio, suoque experimento comprobavit Benedictus de Goes è Societate nostra, qui cum variarum linguarum Asiaticarum, ac imprimis Persicæ linguæ admodum esset peritus, missus est à R. P. Nicolao Pimenta Indiæ Visitatore, ut certiora de Catayo inquireret, quo illuc deinde per nostros fidei ac Euangelii lucem introduceret: is totam interiorem fere Asiam emensus, tandem cum Maurorum turmis, quas Caravanas vocant, in Catayum, ita à Mauris dictum, pervenit, ad ipsos nimirum Sinas, apud quos jam tum diu fuerant homines Societatis nostræ: hic, cum Sociorum aliquam noctus esset notitiam, ac Cambalu seu Peking versus iter adornaret, in morbum incidit, migravitque ex hac vita in ipsa Sina, ubi cum Catayum quereret, coelum laborum suorum, uti speramus, præmium invenit: hujus hodopæricon fusius, & curiosum omnino si quis desideret, reperiet in expeditione Christiana R. P. Nicolai Trigautii ample descriptum.

Feles in hac Provincia sunt omnino albae, longioribus pilis protensisque auriculis, qui canum Melitenium habentur loco, matronarumque sunt deliciæ: at mures minimi capiunt, forte quia delicate nimis à dominis suis enutritæ, haud tamen defunt etiam aliæ murium egregiæ venatrices, licet minus laute habitæ, coque forte meliores.

Sub Siven Te, Imperatore Quinto Taimingæ familiæ, anno post Christum natum quadringentesimo supra millesimum, combustum est palatium Regium, ex illius conflagratione aurum, argentum, cuprumque simul fusa, speciem conflavere metalli ex trium horum mistura, qualis apud nos, reique antiquariæ studiosos estimatur æris Corinthiaci, ex qua confecta plura vasa summi sunt valoris ac pretii, præsertim pro suffitu facien-

*Feles in  
deliciis.*

*Antiqui-  
tatum  
studiosi  
Sinae.*